

# Baibuli y'abaana bato N'ekuhikyaho

## Okuzaarwa kwa Yesu



Ekahandiikwa: Edward Hughes

Ebisisani bya: M. Maillot

Ekahindurwa: Rev. Canon. Samuel Mwesigwa

Ekatekanizibwa: E. Frischbutter; Sarah S.

Oruganikyo 36 ha 60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

Orusa: Oyina obugabe kukoporra rundi kuhandikisa oruganikyo runu kakuba oba otarutunde.

Runyoro-Rutooro

Omu busumi bwaira, Ruhanga akasindika Malaika Gabulyeri hali omwisiki omu Yudaya omuto, omuculezi ibara lye Mariya.



1

Yamugambira ati, "Noija kuzaara omwana w'obwojo kandi olimuruka ibara lye Yesu. Alyetwa mwana w'ogu anyakuli haiguru muno, alirema ebiro n'ebiro."



2

Mariya yamukaguza ati: "Kiriba kita kinu?" "Nyowe nkatamanyire musaija". Malaika akagambira Mariya ati: Omwana naija kuruga hali Ruhanga. Taliba na ise ow'omubiri.



3

Hanyuma malaika yagambira Mariya nkoku mugenziwe Elizaabeti aine enda ali mukaikuru. Kinu kikaba kya kuhuniriza. Hanyuma Mariya akabungira Elizaabeti. Bakugiza hamu Ruhanga.



4

Mariya akaba ajumbiirwe omusaija barukweta Yozefu. Yozefu akasalirwa obuyamanyire nkoku Mariya aine enda. Akatekereza Mariya aina omusaija ondi.



5

Omu kirooto Malaika wa Ruhanga, akagambira Yozefu nkoku omwaana ogu ali wa Ruhanga. Yozefu akakonyera Mariya kukuza Yesu.




6

Yozefu akesiga kandi yahurra Ruhanga. Akahurra n'ebiragiro b'ihanga ly'owabu.




7

Habw'ekiragiro ekihyaka, uwe na Mariya bakagenda omu rubuga rw'owabu, Beterehemu, okusasura omusoro.



8



Akasumi ka Mariya kuzaara kakaba kahikire. Baitu Yozefu atasobore kutunga nju y'okuraramu. Amaju goona gakaba gajwiire.

9



Hanyuma Yozefu yagenda omu kiraro ky'ente. Oku Omwana Yesu nuho yazalirwe. Nyina akamubyamya omu kyato ky'ente, nambere bataga eby'okulya by'ente.

10




Haihi nabo hakaba haloho abaliisa nibalinda entama zabo ekiro. Malaika wa Mukama yabaizira yabagambira amakuru amarungi ago.

11



"Kiro kinu omu rubuga rwa Daudi hazairweyo omujuni Kristo omukama. Omwaana muramusanga abyamire omu kyato ky'ente."

12



Ahonaho, hakabaho aba Malaika nibakugiza Ruhanga nibagamba, ...

13



... "Ruhanga akugizibwe haiguru muno, obusinge bwizire omu nsi hali abantu boona."


14

Abaliisa barahuka bwangu bahika hakicweka Yesu yazalirwe. Hanyuma y'okurora omwaana, bakagambira buli muntu owubatangaine ebya Malaika yagambire hali Yesu.




15

Hanyuma y'ebiro makumi ana, Yozefu na Mariya bakaleta Yesu omu Yekaru/Kanisa oba Eklezia omu Yerusalemu. Omusaija barukweta Simioni akakugiza Ruhanga habw'omwaana ogu, hanyuma n'omukaikuru Hana, omuzana wa Mukama ondi basiima Ruhanga.



16

Boona bakamanya nkoku Yesu yali mwaana wa Ruhanga, Omujuni owu yabaraganiize. Yozefu akahonga ebinyonyi bibiri. Kinu nikyo ekihogwa eky'ekiragiro kya Ruhanga kyaragiraga omuntu omunaku okuhayo hali Ruhanga hanyuma y'okuzara omwana.



17


Hanyuma enyunyuzi y'embaganiza ekebembera abasaija



18

b'amagezi kuruga omu nsi ya buruga Izooba Yerusalemu. Bakaguza bati: "Ali nkaha anyakuzairwe omukama w'abayudaaya?" "Nitugonza kumuramya".

Omukama Herode akatuntura obuyahuliire ebyabanyamagezi. Yabakaguza akasumi akabaroliremu Yesu. Herode yagamba, "Nanyowe ningonza kumuramya." Baitu akaba nabiha. Herode akaba nagonza kwita Yesu.



19


Enyunyuzi ekebembera abanyamagezi kuhika ha nju honyini nambere Mariya na Yozefu baikaraga hamu n'omwana Yesu. Bateza amaju bamuramya, bamuha ebisembo ebye zabu n'ebiboya.



20



Ruhanga akahabura abanyamazezi okugaruka omuka omu nsita. Herode akaba aine ekiniga.




21

Acwiremu kwita Yesu, Omukama akaita abaana boona abobwojo omu Beterehemu.



22



Baitu Herode atasobole okukora kubi omwaana wa Ruhanga! Malaika akabonekera Yozefu na Mariya omu kirooto batwaara Yesu Misiri.

23



Herode obuyafiire Yozefu akaiha Mariya na Yesu Misiri, baija baikara omu rubuga Nazalesi haihi n'enyanya ya Galiraaya.

24

Okuzaarwa kwa Yesu

Oruganikyo kuruga mu Baibuli,  
Ekigambo kya Ruhanga

Nirusangwa omu

Matayo 1-2 Luka 1-2

"Ekigambo kyawe kituleetera okuhweza."  
Zabbuli 119:130

Ruhanga amanyire nkoku tukozire ebintu ebibi by'ayeta EKIBI. Ekifubiro ky'ekibi, nukwo kufa.

Ruhanga atugonza muno, nikyo yatumiire Omwana we Yesu okutufeera ha musaaraba asasure ekifubiro ekyakubaire kyaitu. Yesu akahumbuuka, yagarukayo omw'iguru. Hati Ruhanga asobora okutuganyira ebibi byaitu.

Bw'oraba n'ogonza kuruga omu bibi byaawe, gambira Ruhanga oti: Ruhanga wange omugonzebwa, ninyikiriza ngu Yesu akanfeera kandi hati. Kwesegeriize oije omu bwomeezi bwange onganyire ebibi byange, nukwo mbe n'obwomeezi obuhaaka, nyinkare naiwe hati n'ebiro byoona. Nkonyera nyomeere habwawe nk'omwaana waawe. Amiina. Yohaana 3:16

Osomege Baibuli nukwo obazege na Ruhanga buli kiro.